

Titolo: Comandante

Autori: Edoardo de Angelis, Sandro Veronesi

Edizione: Bompiani, 2023

Capitolo: 11, "STUMPO"

Pagina: 50

Rigo: 8

Parola: dopo " 'na sirena."

... 'a vi' lloco! Che vaje trovanono? Me vulisse corteggià? Tanto già aggio deciso chello c'aggi' a fà. Me trovo nu bello scoglio e me ne stong ccà. 'E pisce mica s'arraggiano si je me piglio 'nu poc' e' spazio ncopp' 'o funno. Loro nun se fermano, ce vivono 'ccà abbascio. Però, mo ce sta sta sfaccimm' 'e sirena, fors' me ne vò caccià. Se chiamma Speranza, ha ditto. A me me sta venenno suonno ma chesta continua a alluccà...

'A guagliona mia 'a chiammavo Sirena quann' stevemo ncopp' 'o lungomare 'e Surriento. Allora, pensavo ca 'e sirene erano 'na cosa bella, tipo Luisa Ferida dint'o' mare, invece venite sulo a scassà o' cazz'. Ma pure 'ccà l'aggi' a' pensà a chella? O' purpo già se l'è levat' a' nnanze 'na vota, piens' a' mo comme fosse felice sapenno ca m'aggio fatto 'na casa ccà abbascio. Chi o' ssape si s'o' ppensa ca je mo sto murenno. Chi o' ssape si tra sessant' anne se pensa ca me so' fatt' 'a vita mia e me vò venì a truvà, si vò sapè s'je facci' ancor' 'o curallaro a Torre o' Grieco. Ma chi se ne fott' ormai! Nun me pensa 'a cchiù 'e n'anno, figurate tra sessanta. Però, mannaggia a' morte, je te penso, te penso, ma teng' 'nata cumpagnia mo, Speranza a' sirena...

'O ssaccio ca vuò sapé comme e pecché so' fernuto 'ccà abbascio. Je sto 'ccà p'e' cumpagne mie. È 'o vero, me putevano fermà primma ca ascevo 'ccà fore, ma 'a colpa nunn'è 'a loro. Chillu Direttor' 'e 'mmerda che c'ha mannato a mmuri a tutte quante l'acceresse cu 'e mmane mie. Chillu vraccio aizato c' 'o spezzasse, ma tant' sicuro primm' o poi va a fferni a capa a' sott' stu governo! Ma mo che me 'ncazz' a ffà?! Je 'n'atu ppoco e sò muort', je resto ccà cu Speranza, je me faccio o' bagn' c' 'a sfaccim' d'o mare.